



*Selasa, 16 Nopember 2021*  
**Ogen: Roma 8:26**



**Dibata Nampati Kita**



**S**ekalok Moria kelsehen erkiteken anak buah bara, anak perana denga idilo Dibata. Anaka si sada i tengah jabu. Dem kal sura-sura nandangi anak e, kai pe sini perlukenna la pernah itogan. I bas sada wari sakit mekelek anak, itambari ku rumah sakit si galang, sebulan dekahna ia ertambar tapi la madan. Mulih ku rumah alu mberat pusuh, sabap anak e idilo Dibata. Kesehen kal pusuh nande, lanai terturikenna sedak pusuhna. Uga pe akapna lanai payo, anak si sada ndube la kepe gedang umurna. Retap kal sura-sura nande e, ise pe akapna la ngasup nampatisa.

Tupung kita kelsehen erkiteken perbeben si mberat, banci si akap lanai lit teman, entah Dibata e pe si akap lanai ras kita. Megati ndauhsa kita rukur, si gargari ka kesalahenta, emaka ninta kai kin dosangku maka bage beratna perbebenku. Piahna lanai sada ngenca man ukuren enggo ertindih-tindih. Teman e pe lanai si akap jadi teman.

Reh teman si deban ngapuli Moria ndai, tapi lalap ia la terapul. Sinik naring teman-teman e kerina, saja ertoto ia gelah Kesah Si Badia erdahin i bas pusuhna. Sabap tek teman-temanna e maka Kesah e ngasup nampati anak-anakna amin pe anakna e la ngasup erbelas man bana. Kenca ia ertoto, iogekenna Kata Dibata e man Moria ndai sue ras renungenta enda, alu pengarapen ngasup Moria e ngalokensa.

Payo kal kata teman-teman Moria e. Dibata si meteh kecibal pusuhna si mabgesna kal, ietehNa pe gegeh ras kengasupenta ngalaken perbeben e. Amin sekali gia lanai terbelasken kita, sedak pusuh e pe tangkas nge man baNa. Asa gegehta si turikenlah man Dibata, bas kita la ngasup e pe, labo erkusur ukur Dibata nampati kita.